

## বলো কলকাতা

মোট দর্শক সংখ্যা- ২ লক্ষ  
প্রতিদিনের গড় দর্শক সংখ্যা  
- ২৫ হাজার  
বার্ষিক দর্শক সংখ্যা - ৫৫ লক্ষ

## বলো কলকাতা

সর্বদা সত্যের খোঁজে...

All india registered digital media platform  
Reg by - Gov of india

এবার এসএসসির পাশাপাশি  
কলেজ সার্ভিস কমিশনের  
নিয়োগেও দুর্নীতি!!

তুরস্কের পর এবার  
নিউজিল্যান্ড। ফের ভয়াবহ  
ভূকম্পনের সাক্ষী বিশ্ব।

দেশে খানিকটা হলেও বাড়ছে করোনা  
সংক্রমণ। তেমনটাই বলছে স্বাস্থ্য  
মন্ত্রকের রিপোর্ট।

পঞ্চায়েত নির্বাচনের আগেই  
মালদহে তৃণমূল কংগ্রেসের  
সভাপতির পদত্যাগ নিয়ে চাঞ্চল্য!

epaper.bolokolkata.com

কলকাতা ২ চৈত্র ১৪২৯, শুক্রবার ১৭ মার্চ ২০২৩ অনলাইন সংস্করণ


৬ পাতা



প্রভাবশালী যদি কেউ হন, তাহলে তিনি কুন্তল ঘোষ! "আমি নই"। শোনা যাচ্ছে, নিজের এবং কুন্তলের সম্পর্কে নাকি এমনই মন্তব্য করেছেন বলাগড়ের বহিষ্কৃত তৃণমূল নেতা শান্তনু বন্দ্যোপাধ্যায়। শান্তনু বন্দ্যোপাধ্যায় ও কুন্তল ঘোষ, নিয়োগ দুর্নীতিতে জড়িত থাকার অভিযোগে তাঁদের দু'জনকেই গ্রেফতার করা হয়েছে। অন্যদিকে, দলও তাঁদের বহিষ্কার করেছে। কিন্তু, ফারাক রয়েছে দু'জনের গ্রেফতারি ও বহিষ্কারের মাঝের সময়সীমায়। আর সময়ের সেই ফারাককেই কুন্তলের বিরুদ্ধে হাতিয়ার করছেন শান্তনু!



আলিপুর আদালতে ফের নিজেকে নির্দোষ বলে দাবি করলেন পার্থ চট্টোপাধ্যায়। তিনি বলেন, আমি নিয়োগকর্তা নই, মন্ত্রী। আমি কোনও বেআইনি কাজকে সমর্থন করিনি, করবও না। বোর্ড চলে নিজস্ব বিধি এবং আইনের দ্বারা। পাশাপাশি নিয়োগ সংক্রান্ত উপদেষ্টা কমিটি তাঁকে যে সমস্ত নথি দিত, তাতে স্বাক্ষর করা ছাড়া তাঁর কোনও ভূমিকা ছিল না বলেও তিনি দাবি করেছেন।



## এবার এসএসসির পাশাপাশি

## কলেজ সার্ভিস কমিশনের নিয়োগেও দুর্নীতির অভিযোগ!!


**স্টাফ রিপোর্টার:-** এবার চোখ রাখবো যে খবরে সেই খবরে এবার হতে চলেছে সবার চক্ষু চড়কগাছ! ইতিমধ্যেই এসএসসির দুর্নীতি আদালতে বিচারাধীন। গ্রেফতারও হয়েছেন প্রাক্তন শিক্ষা মন্ত্রী থেকে শুরু করে প্রায় শিক্ষা দপ্তরের একাধিক কর্তা। কিন্তু দুর্নীতি হয়েছে কলেজের শিক্ষক নিয়োগেও! ২০১৮ সালের কলেজ সার্ভিস কমিশনের নিয়োগ দুর্নীতিতে ফাক রয়েছে এমনটাই অভিযোগ উঠছে।

২০১৮ সালে পশ্চিমবঙ্গের সমস্ত কলেজগুলির কাছে ইউজিসি তরফ থেকে নির্দেশিকা এসেছিল যে সিবিসিএস ক্রেডিট সিস্টেম পদ্ধতিতে কলেজ বিশ্ববিদ্যালয় লেখাপড়া শুরু করতে হবে। কিন্তু সেই পদ্ধতি শুরু করতে গেলে নূন্যতম প্রয়োজন প্রতিটি বিভাগে চার পাঁচজন পারমানেন্ট বেসিসে শিক্ষক নিয়োগ করতে হবে। ইউজিসির এই নির্দেশিকা অনুসারে পশ্চিমবঙ্গ শিক্ষা দপ্তরও আশ্বাস দিয়েছিলো যে কলেজগুলিতে পারমানেন্ট শিক্ষক নিয়োগ করা হবে। সেই নিয়োগের জন্য তারা একটি বিজ্ঞপ্তিও জারি করেছিল (No.1199-Edn (CS)/ 10 M62/ 2001, Date - 27/09/2018)।

এরপর ৩ এর পাতায়-

## শিরোনাম

- পঞ্চায়েত নির্বাচনে কোনও দল যাতে প্রার্থী খুঁজে না পায়, নির্দেশ উত্তরবঙ্গ উন্নয়ন মন্ত্রীর
- বাঁকুড়া পুলিশের 'অঙ্কুর' প্রকল্পের অধীনে প্রাথমিক স্কুলে অংক ইংরেজি পড়াবেন সিভিক ভলেন্টিয়াররা - শুরু হয়েছে বিতর্ক।
- অরুণাচল প্রদেশের মানডালা পাহাড়ে ভেঙে পড়লো ভারতীয় বিমান বাহিনীর হেলিকপ্টার "চিতা"। লেফটেন্যান্ট কর্নেল এবং মেজর পদমর্যাদার দুই পাইলট নিখোঁজ। সকাল সাড়ে নটা নাগাদ এয়ার ট্রাফিক কন্ট্রোলার সাথে যোগাযোগ বিচ্ছিন্ন হয়ে যায় 'চিতা'-র।
- মাকে খুন করে দেহ টুকরো টুকরো করে কেটে ফেলার দায়ে অভিযুক্ত মেয়ে: দক্ষিণ দিল্লির শ্রদ্ধা কাণ্ডের ছায়া এবার মুম্বইয়ের লালবাগে। আলমারিতে প্লাস্টিকে মোড়া মায়ের টুকরো টুকরো দেহ উদ্ধার করল পুলিশ।



"যতই থাকুক দশে, প্রথম হবেই শেষে"

- আই এস এল ইস্টবেঙ্গল

**বলো কলকাতা, নিউজ ডেস্ক:-** দশম স্থানে শেষ করলে ও সবার সেরা পুরস্কার পেতে পারে ইস্টবেঙ্গল। নিয়মকে তোয়াক্কা করে প্রতিযোগিতা দশম স্থানে শেষ করলে ও দলের অন্যতম ফুটবলার ক্রেটন সিলভা সেরার সেরা পুরস্কার পেতে পারেন।

নিয়ম হলো আই এস এল সর্বোচ্চ গোলদাতা সোনার বুট পাবেন। যদি দুজন শীর্ষ গোলদাতা একই সংখ্যক গোল করেন তাহলে যার অ্যাসিস্টের সংখ্যা বেশী তিনি পাবেন এই পুরস্কার। আই এস এল ক্রেটন এবং ওডিশার দিয়েগো মোরিসিয়োর ১২ টি করে গোল করেছেন।

এরপর ৩ এর পাতায়-



**নিয়োগ দুর্নীতির টাকা বিভিন্নভাবে বিনিয়োগ করা হয়েছে বলে ইডি তদন্তে জানতে পেরেছে।** কুন্তল ঘোষের হাত ধরে ওই টাকা ত্রিপুরাতেও গিয়েছিল বলে ইডি সূত্রে খবর।



মনের মতন জীবন সাথী পেতে আজই আসুন...  
পাকাদেখা থেকে মধুচর্চিমা, দর্শী হাবা আমরা...



Wedlock Matrimony

Mobile : 9903752030 / 9748680108 / 9831808242 / 8167214422  
www.wedlockmatrimony.in | Email : prtilatasaha1234@gmail.com

Dankuni Litchutala Bus Stand,  
TN Mukerjee Rd, Kalipur, West Bengal 712311

(Second floor of Lal Bari Building / MedPlus Medical Shop, Just



বহু প্রশংসিত তন্ত্র ও মাতৃসাধক শ্রী গোবিন্দ আচার্য

Tantra Bagish, Samudrik Ratna, Gold Medalist (Benaras)

K.B.S. (N. Delhi), M.R.A.S. (London), I.S.C.A &amp; B.M.U. (Cal)

7/1, Jessore Road, Dum Dum, Kol-28

Mob. : 8777091514 / 9748876046





# --শ্রেণীবদ্ধ বিজ্ঞাপন--

২

কলকাতা ২ চৈত্র ১৪২৯, শুক্রবার ১৭ মার্চ ২০২৩ অনলাইন সংস্করণ

## কর্মখালী

অতি সত্বর সাবলীল হিন্দি বাংলা ও ইংরেজি ভাষা জানা মহিলা টেলিকলার প্রয়োজন। (M) 9831808242

## ব্যবসা বাণিজ্য

- গ্রহরত্ন ক্রয় বিক্রয়

নগদ অর্থের বিনিময়ে সকল প্রকার ভালো পুরাতন গ্রহরত্ন ক্রয় করিব। 9231585876

## অভিনেতা ও অভিনেত্রী

- ফ্রি  
টিভিতে এডে অভিনয়, গানে সব বয়সী ছেলে/মেয়ে/বাচ্ছা চাই।  
9007012369

## ক্রয় বিক্রয়

- গ্রহরত্ন  
পাইকারী দামে সকল প্রকার গ্রহরত্ন পাওয়া যায়।  
এস.এস.জেমস 1/1, ব্যানার্জী লেন। বৌবাজার ব্যাঙ্ক অফ ইন্ডিয়া'র নিকট। কোল-12.  
7980455525

## শিক্ষা

অভিজ্ঞ নৃত্য শিল্পী (২৬ বছরের) দ্বারা কথক, ভরতনাট্যম, ওড়িশি সহ রবীন্দ্র নৃত্য ও ক্রিয়েটিভ শেখানো হয়। প্রাচীন কলাকেন্দ্র দ্বারা পরীক্ষার ও সার্টিফিকেট প্রদান করা হয়। সেশন শুরু ১৫ই মার্চ। আসন সীমিত। ঝঙ্কার কলাঙ্গন।  
(M) 9051960946

## স্বাস্থ্য ও চিকিৎসা

- অ্যাডভান্সড ইমিউনোথেরাপি

জরায়ুতে টিউমার, পলিসিষ্টিক ওভারী, গলব্লাডারে স্টোন, যে কোন ধরনের ক্যান্সার, কিডনির জটিল অসুখ বিনা অপারেশনে সম্পূর্ণ সরানো হয়।  
টেলিমেডিসিন No- 8617553735

যোগা, ফিজিওথ্যারাপী

ম্যানুয়াল ও মেশিনে কলকাতার মধ্যেবাড়ি গিয়ে করি। ডাক্তার বাবুর পরামর্শ ও নির্দেশ অনুসারে। 824023693

## সংগীত কলা

ফাংশনে সব রকম গান করি। অভিজিৎ।  
কন্টাক্ট-842078639

## ম্যাজিক শো

- ছোটদের জন্মদিনে, স্কুলে ম্যাজিক শো করি। অভিজিৎ। 8420786390

## ভ্রমণ ও তীর্থ যাত্রা

- রথে  
পুরী -3.500/- চলুন। সিঙ্ক রুট-  
6.500/-, কেদারবদ্বি 12.500/-.  
9432201841

OFFBEAT OF PURULIA AJYODHYA PAHA

- Mud House
- Tent Camping
- Fooding & Lodging
- Bonfire
- Chhau Dance
- Jhumur Songs
- Trekking new destination

**PALASHBANI FAMILY RESORT**  
BAREDI, BAGHMUNDI, PURULIA  
**8777545494, 990358382**

## বাড়ি/ঘর/ফ্ল্যাট

দমদম মেট্রোর কাছে এসি ক্লাস রুম ভাড়া দেব। (M) 7003746350

## বাড়ি/ঘর/ফ্ল্যাট ভাড়া

J.D park মেট্রোয় কাছে ভবানীপুর 400 Sft. (AC) অফিস ঘর ভাড়া দেব।  
9831632434

## জ্যোতিষ শিক্ষা

- জ্যোতিষ শাস্ত্র শিখেও পেশায় হতাশ, নতুন বছরে জ্যোতিষ জগতে নিজেকে প্রতিষ্ঠিত হয়ে যায় করুন। জ্যোতির্বিদ দেবশ্রী। 9748631103
- পূর্ণিমা দি  
চ্যালেঞ্জ সহ ৫ দিনে জ্যোতিষ তত্ত্ব শিখুন। শিক্ষান্তে সার্টিফিকেট। 9748842746

## আকর্ষণীয় বিজ্ঞাপন ধামাকা

আসন্ন বাংলা নববর্ষ, অক্ষয় তৃতীয়া ও মে দিবসে আপনার প্রিয়জন, বন্ধু এবং ব্যবসায়িক পরিজনদের ব্যক্তিগত বা প্রতিষ্ঠান গত ভাবে অতি স্বল্প মূল্যে শুভেচ্ছা বার্তা জানানোর ব্যবস্থা করেছে 'বলো কলকাতা' অনলাইন দৈনিক পত্রিকা। একদিনের শুভেচ্ছা বার্তার মূল্যে তিনদিন-ই শুভেচ্ছা জানান।

বিস্তারিত জানতে ও শুভেচ্ছাবার্তা প্রকাশের জন্য আজই যোগাযোগ করুন  
এই নম্বরে- +91 89105 39297

শুভেচ্ছাবার্তা পাঠাবার শেষ তারিখ ৩০  
শে মার্চ ২০২৩।

## জ্যোতিষী

সংশোধিত কে পি এবং ভার স্পুট স্পেশালিটি,  
কোষ্ঠী বিশ্লেষক, হস্তরেখা বিশারদ  
**অধ্যাপক শ্রী সত্যকাম**  
যোগাযোগ- 85359 25452

আন্তর্জাতিক খ্যাতিসম্পন্ন জ্যোতিষী ও  
পশ্চিমবঙ্গের রাজ্যপাল দ্বারা সম্মানিত  
**শ্রী চানক্য ঠাকুর**  
যোগাযোগ- 9330730977

স্বর্ণ পদক প্রাপ্ত জ্যোতিষ ও বাস্তববাদ  
তত্ত্বসাধক জ্যোতিষাচার্য  
**শ্রী অয়ন চক্রবর্তী**  
Mob.: 9874179339

সম্প্রদায়িক নিষ্ঠার  
সেবা প্রদান প্রচেষ্টায়  
শ্রী শ্রী চন্দ্র চন্দ্র  
আমেরী জন্মদিন  
COMING SOON

WE'RE  
HIRING  
BOLO KOLKATA  
WE ARE LOOKING FOR  
CREATIVE INTERNS  
VIDEO EDITOR / NEWS WRITING / GRAPHICS  
DESIGNER / DIGITAL MEDIA MARKETING.  
Contact Us - 82401 68370 (10Am -6Pm) Whatsapp 24\*7

সকল রকম বিজ্ঞাপন এবং ক্রয় পত্রিকায়  
গল্প, কবিতা, রান্নার রেসিপি, ভ্রমণ কাহিনী  
ও পাঠকের মতামত পাঠানোর জন্য-  
৮৯১০৫৩৯২৯৭

**সতর্কীকরণ:-** বিজ্ঞাপনের যাবতীয় বক্তব্য একমাত্র বিজ্ঞাপন  
প্রদানকারীর নিজের, দায়িত্ব ও তাঁর। "বলো কলকাতা" এর এতে  
কোনও ভূমিক নেই। পাঠকের সিদ্ধান্তের উপর সম্পূর্ণভাবে  
নিজস্ব।, তাই প্রচারিত বা ঝুঁকির ব্যাপারে সব জেনে নিয়েই  
পদক্ষেপ করবেন।

## জন্ম ও মৃত্যু

কল্পনা চাওলার জন্মদিন,  
(আমেরিকান প্রকৌশলী ও মহাকাশচারী)

সাইনা নেহওয়াল-এর জন্মদিন,  
(ভারতীয় ব্যাডমিন্টন খেলোয়াড়)

অনিল চট্টোপাধ্যায়-এর মৃত্যুদিন,  
(প্রখ্যাত ভারতীয় চলচ্চিত্র অভিনেতা।)

## আজকের রাশিফল

### ১৭ ই মার্চ

- ❖ মেঘ-শত্রু ভয়
- ❖ বৃষ-স্বাস্থ্যহানি
- ❖ মিথুন-সুখস্বচ্ছন্দ বৃদ্ধি
- ❖ কর্কট-পারিবারিক সুখ
- ❖ সিংহ-হতাশা
- ❖ কন্যা-মানসিক অশান্তি
- ❖ তুলা-প্রচেষ্টায় সাফল্য
- ❖ বৃশ্চিক-অহেতুক বাধা
- ❖ ধনু-মনের প্রফুল্লতা
- ❖ মকর-দুশ্চিন্তা
- ❖ কুম্ভ-অতিথিকে নিয়ে অসন্তোষ
- ❖ মীন-উদ্যম-এ সাফল্য

গণনা-জ্যোতির্বিদ দেবশ্রী  
৯৭৪৮৬৩১১০৩



-ঃগণনায়ঃ-

জ্যোতির্বিদ দেবশ্রী

কল্যাণী, নদীয়া

মঃ-৯৭৪৮৬ ৩১১০৩

**পি. কে. দাম জেমস**  
১০০% আমল প্রহর (শাফিউয়েত) কম দামে পণ্ডিতীয় য়  
৯৮৩৩ ৮৯৬৪৫ / ৯১৬৩৩ ৪৬৯৯৩  
২৬৫/এ, বি.টি. রোড, কোলকাতা - ৩৬ (বেরাহলগর থানার বিপরীতে) মানসী মার্কেটের ভিতর

আপনার মুখ এবং আমার গণনা !  
আপনার ভাগ্য পরিবর্তনের মূল কারন হতে পারে।  
প্রাচীন লুপ্তপ্রায় সামুদ্রিক জ্যোতিষ মতে  
হস্তরেখা, মুখমণ্ডলের গঠন ও শরীরের বিভিন্ন  
স্থানের চিহ্ন দেখে জীবনের নানা সমস্যার  
(বিদ্যায় অমনোযোগী, ব্যবসা, চাকরী,  
কর্মোন্নতি, বিবাহ, স্বামী স্ত্রীর মধ্যে সম্পর্ক, গৃহ  
শান্তি, গোপন শত্রুতা, মামলা মকোদমা প্রভৃতি)  
সঠিক কারন নির্ধারণ ও স্থায়ী প্রতিকারে শ্রী  
লক্ষ্মীনারায়ণ গোস্বামী অধিতায়।  
প্রাচীন লুপ্তপ্রায় সামুদ্রিক জ্যোতিষ শিখতে আগ্রহী  
ব্যক্তির যোগাযোগ করুন। শিক্ষান্তে সার্টিফিকেট  
Resedence - 3B, Charu Chandra Avenue. Kol-33  
Chember - 5B, Nepal Bhattacharjee Street. Kol-26  
৯৪৩৩২১৫১৭৭ / ৭৪৩৯৮৭৭৬৬





## বৃষ্টির পূর্বাভাসের কথা মাথায় রেখে বিদ্যুতের দায়িত্বপ্রাপ্ত আধিকারিকদের সঙ্গে ভিডিও কনফারেন্সের মাধ্যমে বৈঠক

**বলো কলকাতা, নিউজ ডেস্ক:-** বৃহস্পতিবার ১৬ই মার্চ বিদ্যুৎ ভবনে আসন্ন ঝড় বৃষ্টির পূর্বাভাসের কথা মাথায় রেখে সমস্ত জেলার বিদ্যুতের দায়িত্বপ্রাপ্ত আধিকারিকদের সঙ্গে ভিডিও কনফারেন্সের মাধ্যমে বৈঠক করেন বিদ্যুৎ মন্ত্রী শ্রী অরূপ বিশ্বাস। এছাড়াও এই বৈঠকে উপস্থিত ছিলেন বিদ্যুৎ দপ্তরের অতিরিক্ত মুখ্য সচিব শ্রী সুরেশ কুমার, পশ্চিমবঙ্গ রাজ্য বিদ্যুৎ বন্টন সংস্থার চেয়ারম্যান শ্রী শান্তনু বসু ও বিদ্যুৎ দপ্তরের অন্যান্য উচ্চপদস্থ অধিকর্তারা। মাননীয় মন্ত্রী জানান, উচ্চ মাধ্যমিক পরীক্ষার চলাকালীন সমগ্র রাজ্য জুড়ে ঝড়-বৃষ্টির যে পূর্বাভাস রয়েছে সে বিষয় নিয়ে প্রস্তুত থেকে নিরবিচ্ছিন্ন বিদ্যুৎ পরিষেবা বজায় রাখার জন্য দফতরের সমস্ত কর্মীরা যেন সতর্ক থাকেন। একই সঙ্গে আগামী ২৮শে মার্চ পর্যন্ত বিদ্যুৎ দপ্তরের সমস্ত কর্মীদের সব রকমের ছুটি বাতিল করা হয়েছে। এছাড়াও মাননীয় মন্ত্রী জানান, দার্জিলিং, কালিম্পাং, জলপাইগুড়ি, আলিপুরদুয়ার ও কোচবিহার জেলায় ১৫ই মার্চ সন্ধ্যায় ঝড় ও শিলা বৃষ্টির কারণে বিদ্যুৎ সরবরাহ ব্যবস্থার ব্যাপক ক্ষতি হয়েছে। এখনো পর্যন্ত যা খবর পাওয়া গেছে তাতে দেখা যাচ্ছে প্রায় ১০০ টি পোল ভেঙেছে, প্রায় আড়াইশোটি জায়গায় লাইনে গাছ পড়ে তার ছিড়ে গেছে, বজ্রপাতে ইনসুলেটর নষ্ট হয়েছে বহু জায়গায়। যুদ্ধকালীন তৎপরতায় তিনশোর অধিক বিদ্যুৎকর্মী ও অফিসার কাজ করে বিদ্যুৎ ব্যবস্থা স্বাভাবিক করেন।

একই সঙ্গে তিনি এই পাঁচ জেলার বিদ্যুৎ দপ্তরের অধিকর্তা ও কর্মীদের ধন্যবাদ জানান যুদ্ধকালীন তৎপরতায় এই বিপর্যয় রুখে দেওয়ার জন্য।

বিদ্যুৎ দপ্তরের কন্ট্রোল রুমের ফোন নম্বর  
৮৯০০৭৯৩৫০৩/৮৯০০৭৯৩৫০৪

### প্রথম পাতার পর-

আগের নিয়মে চারটি অ্যাসিস্টের সুবাদে মৌরিসিয়ো সোনার বুট পেতে পারতেন। সেখানে ক্রেকটনের একটি অ্যাসিস্ট রয়েছে। কিন্তু প্রতি মিনিটে গোল করার জন্য ক্রেকটন পেতে পারেন পুরস্কার। ইস্টবেঙ্গল এর মতো ওড়িশা ও আই এস এল থেকে বিদায় নিয়েছে। মুম্বইয়ের জর্জ পেরেরা এবং গোয়ার ইকের গুয়ারোচেনা এই দুটি দল ও বিদায় নিয়েছে। ফাইনালে যদি মোহন বাগানের দিমিত্রি পেত্রাতোস হ্যাটট্রিক করতে পারেন তাহলে গোল সংখ্যার বিচারে তিনিই সোনার বুট পাবেন। নাহলে ক্রেকটনের ধারে কাছে আর কেউ নেই। বাকী সবার দলই আই এস এল থেকে বিদায় নিয়েছে।

**প্রাথমিক শ্রেণির পড়ুয়াদের অঙ্ক-ইংরেজি পড়াবেন সিভিক ভলান্টিয়াররা।** যাঁদের শিক্ষাগত যোগ্যতা বেশি তাঁদের এই কাজের জন্য বাছাই করা হয়েছে। এই পদক্ষেপের তীব্র নিন্দা করেছেন কেন্দ্রীয় শিক্ষা প্রতিমন্ত্রী সুভাষ সরকার থেকে শুরু করে বিরোধী দলনেতা শুভেন্দু অধিকারী।

### প্রথম পাতার পর-

পশ্চিমবঙ্গ উচ্চ শিক্ষা দপ্তর এই বিজ্ঞপ্তি জারি করার পর অনেকে কলেজ সার্ভিস কমিশনের পরীক্ষায় বসেন। তারপর নিয়োগও হয় কিন্তু আর সেখানেই ঘটে বিপত্তি। এই নিয়োগ প্রক্রিয়ায় দুর্নীতি হয়েছে বলে দাবি করছে চাকরিপ্রার্থীরা। ঠিক নিয়োগের দাবিতে পথেও নেমেছেন এই চাকরিপ্রার্থীরা। প্রতিবাদীরা কলেজ স্ট্রিটে নিজেদের সার্টিফিকেটের প্রতিলিপি পুড়িয়েছেন আগেই দেখেছি আমরা। ২০১৮ সালে শেষ কলেজ সার্ভিস কমিশন পরীক্ষায় উত্তীর্ণ একজন চাকরি প্রার্থী জানান, পশ্চিমবঙ্গে যে সরকারি সাহায্যপ্রাপ্ত কলেজগুলি রয়েছে সেগুলিতে তিরিশ হাজারের মতো পারমানেন্ট শিক্ষক পদ শূন্য হয়ে পরে আছে। এই পদগুলিতে নিয়োগ নিয়ে পশ্চিমবঙ্গ সরকারের কোন হেলদোল নেই।

রাজ্যে সরকারি সাহায্য প্রাপ্ত কলেজের সংখ্যা ৪৫২ টি। চাকরি প্রার্থীদের দাবি এই সব কলেজ মিলিয়ে পারমানেন্ট শিক্ষকের পদ খালি রয়েছে ৩০ হাজারেরও বেশি। তারা আরও জানিয়েছেন যে নানান কলেজের পক্ষ থেকে পারমানেন্ট শিক্ষক নিয়োগের জন্য শিক্ষা দপ্তরের কাছে আবেদন করা হলেও কোন নিয়োগ শুরুই হয়নি। তবে ২০১৮ সালে কলেজ সার্ভিস কমিশনের বিজ্ঞপ্তি যখন প্রকাশ করে রাজ্য সরকার, তখন কত শূন্য পদ রয়েছে তার উল্লেখ করা হয়নি। ২০১৮ সালে পরীক্ষা হলেও ইন্ডাস্ট্রিয়াল কেমিস্ট্রি, মলিকিউলার বায়োলজি, ওমেন স্টাডিজ-র মতো বিভিন্ন বিষয়ের মেধা তালিকা আজ পর্যন্ত প্রকাশ করেনি কমিশন। অভিযোগ, কলেজ সার্ভিসের ক্ষেত্রে কারচুপি করা হয়েছে ইন্টারভিউয়ের সময়। যোগ্য প্রার্থীরা তাই দাবি করছে।

তাদের মধ্যে কেউ, কেউ বলছেন, ২০১৮ এ কলেজ সার্ভিস কমিশনের পরীক্ষায় ইন্টারভিউতে ৪০ শতাংশ নম্বর রেখে প্রকৃত যোগ্য ও মেধাবীদের এক অজানা কারণে মেধা তালিকার শেষের দিকে ঠেলে দেওয়া হয়েছে। যারা চাকরি পেয়েছে তাদের অধিকাংশের যোগ্যতাই অনেক কম, অনেক ক্ষেত্রেই কমিশন অবৈধ ভাবে পাস করিয়ে তাদের ইন্টারভিউয়ে নম্বর বাড়িয়ে নিয়োগ করেছে। প্যানেলে নাম না থাকলেও চাকরি পেয়েছে একাধিক প্রার্থী, অথচ ভাল মেডিট থাকা প্রার্থী ইন্টারভিউতে ভালো ফল করতে পারল না। হাইকোর্টে এই নিয়োগ দুর্নীতি নিয়ে ১৭০ টির বেশি মামলা চলছে।

প্রাক্তন শিক্ষামন্ত্রী পার্থ চট্টোপাধ্যায়ের ঘনিষ্ঠ বান্ধবীর ফ্ল্যাটে টাকা ভর্তি উচ্চশিক্ষা দপ্তরের খাম মিলেছে। সিবিআই তদন্তে সুরীশেশ ভট্টাচার্য থেকে শুরু করে বেশ কিছু প্রভাবশালী ব্যক্তির নাম উঠে এসেছে যারা অর্থ ও প্রভাব খাটিয়ে কলেজের চাকরি পাইয়ে দিতেন। পার্থ চ্যাটার্জির সঙ্গে মোনালিসা দাসের মেসেজে উঠে আসা চাকরি প্রার্থী শ্রীতম মজুমদারের নাম ছিল বাংলা বিষয়ের মেধা তালিকার প্রথমের দিকে। পার্থ চট্টোপাধ্যায়ের গ্রেপ্তারির পর মুখ্যমন্ত্রী দাবি করেন যে, দুর্নীতি বিষয়ে তিনি কিছুই জানতেন না। জানা থাকলে উপযুক্ত পদক্ষেপ গ্রহণ করতেন। কিন্তু চাকরি প্রার্থীরা তো বার বার পথে নেমেছিলেন। প্রতিবাদ করেছিলেন দুর্নীতির বিরুদ্ধে। তাহলে তখন কেন চুপ করে বসে থাকলেন কেনো মুখ্যমন্ত্রী ইতিমধ্যে সরকার প্রায় ১৫,০০০ আংশিক সময়ের অধ্যাপকদের (GL,PTT,CWTT) SACT বা State Aided College Teacher) নাম দিয়ে তাদের চাকরি ৬০ বছর বয়স পর্যন্ত পারমানেন্ট করেছে। এর অধিকাংশ জনের ইউজিসি এবং সিএসসির নিয়ম অনুযায়ী কলেজে পড়ানোর ন্যূনতম যোগ্যতা নেট, সেট বা পিএচডি ডিগ্রি তো নেই-ই।

একজন বলেন, পিএইচডি, এমফিল করা উচ্চশিক্ষায় শিক্ষিত ব্যক্তির চাকরি থেকে বঞ্চিত হয়েছে। সেই জায়গায় সুযোগ পেয়ে গিয়েছেন অযোগ্যরা।



## এবারের আইএসএল-এর লীগ তালিকার শেষে থেকেও ইস্টবেঙ্গল পেতে চলেছে সেরার ট্রফি।

**জয়ন্ত চক্রবর্তী, BKL নিউজ ডেস্ক:-** নতুন নিয়মের সুযোগ নিয়ে এবারের আইএসএল ফুটবলের একটি বিভাগে সেরার ট্রফি পেতে চলেছে ইস্টবেঙ্গল দল, বা বলা ভালো দলের একজন প্লেয়ার। ব্যাপারটা শুনতে অদ্ভুত হলেও সত্যি। এই বছর ইস্টবেঙ্গল একেবারে লীগ তালিকার শেষ স্থানে দশম হয়ে শেষ করে তাদের লীগ যাত্রা।

এতোদিনের নিয়ম অনুসারে সব থেকে যে প্লেয়ার সর্বাধিক গোল করে পুরো লিগে সে গোলেডেন বুটের অধিকারী হয়। কিন্তু এবারের লীগের মাঝপথে নিয়মের একটু এদিক ওদিক হয়। তাতে বলা হয় যে শুধু গোল বেশি করলে হবে না, তার সাথে দেখা হবে তার পুরো ম্যাচে কতগুলো গোলার ক্ষেত্রে সহযোগিতা ছিলো কত কম সময়ের ব্যবধানে তার গোলগুলি এসেছে। এই নিয়মের সুযোগে এবার বাজিমাতে করতে পারে ইস্টবেঙ্গলের ফুটবলার ক্রেকটন। যদিও উড়িষ্যার ফুটবলার সৌরিস ও ক্রেকটনের সমান সংখ্যক গোল করেছেন ১১ টি, এবং তার অন্য গোলগুলির পেছনে অবদান ৪ টি, তাই তিনি দাবিদার ছিলেন এই গোলেডেন বুটের। কিন্তু প্রতি মিনিটে গড় গোলার হিসেবের থেকে অনেক এগিয়ে আছেন উড়িষ্যার সৌরিস। তবে ফাইনালে যদি এটিকে মোহনবাগানের দিমিত্রি ফেরিতোসে হ্যাটট্রিক করেন তবে তিনি ছিনিয়ে নেবেন ওই গোলেডেন বুটের শিরোপা। তখন তিনিই সর্বাধিক গোলসংখ্যার বিচারে এগিয়ে যাবেন সবাইকে পিছনে ফেলে। আর না হলে ক্রেকটনের ধারে কাছে এই মুহূর্তে কেউ নেই। তাই এখন শনিবারের দিকে তাকিয়ে সবাই, কে পায় ওই গোলেডেন বুট। দশম স্থানের ইস্টবেঙ্গল না উপরে থাকা এটিকে মোহনবাগান। তবে এটা নিশ্চিত এবারের আই এস এলের গোলেডেন বুট কলকাতাতেই আসছে।

### আজকের আবহাওয়া

সারাদিন সামান্য ঠান্ডা ঝড়ো হওয়ার সাথে  
দুই এক পশলা বৃষ্টির সম্ভাবনা।

দিনের সর্বোচ্চ তাপমাত্রা ৩১ ডিগ্রি সেলসিয়াস  
সর্বনিম্ন তাপমাত্রা ২৪ ডিগ্রি সেলসিয়াসের  
কাছাকাছি থাকবে।

বাতাসে জলীয় বাষ্পের পরিমাণ ৭৭%

### সময় সারণী

আজ: ২ চৈত্র ১৪২৯ বঙ্গাব্দ, শুক্রবার,  
ইংরেজী: ১৭ মার্চ ২০২৩

সূর্য উদয়: সকাল ০৫:৪৬এবং  
অস্ত: বিকাল ০৫:৪৩

তিথি  
কৃষ্ণ পক্ষ, দশমী (পূর্ণা)  
সকাল ১০:৫৪ পর্যন্ত।

### জোয়ার ভাটা

জোয়ার শুরু দুপুর ১২ :২০ তে, জলস্তর  
সর্বোচ্চ সীমায় পৌঁছবে সন্ধ্যা ৬:১৫ তে,  
এরপর ভাটা শুরু। দ্বিতীয়বার জোয়ার শুরু  
ভোর ২:১২ তে। জলস্তর সর্বোচ্চ সীমায়  
পৌঁছবে সকাল ৭:১২ তে, এরপর ভাটা শুরু।



## এসএফআই-এর মিছিল ঘিরে উত্তেজনা কালনা কলেজে

**কল্যাণ দত্ত, পূর্ব বর্ধমান:-** আশির দশকে ছাত্র নেতা সুশোভন মুখার্জির মৃত্যু দিনে এসএফ আই-এর মিছিলকে ঘিরে উত্তেজনা ছড়ায় পূর্ব বর্ধমান জেলার কালনা কলেজে। এসএফআই ও টিএমসিপির ছাত্র-ছাত্রীদের মধ্যে বচসা ও ধাক্কাধাক্কির মতো ঘটনা ঘটে বৃহস্পতিবার ১৬ই মার্চ।

আশি দশকে কালনা কলেজে ছাত্রনেতা সুশোভন মুখার্জি খুন হয়েছিলেন ১৬ই মার্চ। প্রতিবারের মতন এবারও এসএফআই-এর পক্ষ থেকে মিছিল করে ছাত্রনেতা কে শ্রদ্ধার্ঘ্য জানাতে আসে কলেজের ক্যাম্পাসে ছাত্রছাত্রীরা। তৃণমূল ছাত্র পরিষদের অভিযোগ বহিরাগত যারা ছাত্র নয় তাদেরকে বাইরে থেকে নিয়ে এসে কলেজে উত্তেজনা সৃষ্টি করেছে এসএফআই-এর কর্মীরা।

এই নিয়ে দুই তরফের মধ্যে শুরু হয় বচসা ও ধাক্কাধাক্কি।

পরে কলেজ কর্তৃপক্ষের মধ্যস্থতায় সমস্যার সমাধান হলেও কলেজে উত্তেজনা রয়ে যায়। এই প্রসঙ্গে এসএফআই-এর তরফ থেকে কলেজে ঢুকে তারা শহীদ বেদীতে মাল্যদান করতে গেলে, জানা যায় তৃণমূলের বহিরাগতরা তাদের আটকায়, এরপরই দুই পক্ষ হাতাহাতিতে জড়ায়।

**ফের একজোট হয়ে কাজ করার কথা ভাবতে শুরু করেছে ভারত ও আমেরিকা।** অসামরিক ক্ষেত্রে পরমাণু শক্তি উৎপাদন ও তার ব্যবহার নিয়ে কার্যকরী সিদ্ধান্ত নিতেই এই উদ্যোগ।





## সম্পাদকীয়

প্রিয় পাঠক,

এখন প্রতিদিন সকালের দৈনিক হোক বা ইলেকট্রনিক খবরের চ্যানেল, এমন কি হাজার হাজার ডিজিটাল ফেসবুক মিডিয়া, যেখানেই চোখ রাখা যাক না কেন শুধুই খুন, মারামারি, সংঘর্ষ, শ্রীলতাহানী সহ সব রকমের ভায়েলেস ও নেগেটিভ খবর। মনটা কেমন বিষিয়ে যায়, সত্যিই কি তবে আমরা সবাই সেই সমাজের মধ্যে চলে যাচ্ছি যেখানে সুস্থ মানসিকতা, মানবিকতার কোনো স্থান নেই, শুধুই হিংসা আর রক্তপাত, কেবল অশুভ শক্তির দাপাদাপি?

কিন্তু কালকের একটি খবর বা এইধরনের খবর মনকে আবার আসার আলো দেখায়, মনে হয় না, পৃথিবীটা এখনো পুরো মন্দেতে ভরে যাই নি, ভালো মানুষ, ভালো কাজ এখনো হয়। এর আগে দেখেছি মাধ্যমিক পরীক্ষায় সময় হাওয়ায় এক মানবিক মুখ পুলিশের। সময় মতো এক ছাত্রীকে গ্রীন করিডর করে নিজের উদ্যোগে এক ট্রাফিক পুলিশ অফিসার সেই অসহায় ছাত্রীকে উত্তর কলকাতার একটি স্কুলে সময় মতো পৌঁছে দিয়েছিলেন। এরপর কয়েকদিন কেটে গেছে, সম্প্রতি উচ্চমাধ্যমিক পরীক্ষা শুরু হয়েছে। এই শহরের বুকে দু দুটি ঘটনা কলকাতা বাসী হিসেবে ও একজন নাগরিক হিসেবে যথেষ্ট গর্বিত করেছে। একজন ছাত্রী বাড়িতে পরীক্ষার এডমিড কার্ড ভুল করে ফেলে আসে, পরীক্ষা কেন্দ্রের সামনে এসে তার মনে পড়ে সেই ঘটনা, তৎক্ষণাৎ সে কর্তব্যরত ট্রাফিক সার্জেন্টকে তার বিপদের কথা জানায়, সেই সার্জেন্ট কালবিলম্ব না করে ছাত্রীটির বাড়ি যায় এবং এডমিট কার্ড সংগ্রহ করে পরীক্ষার্থীকে সুষ্ঠু ভাবে পরীক্ষা দিতে সহযোগিতা করে। এটাই তো মানবিক মুখ একজন কর্তব্যরত পুলিশের। আমরা পুলিশ সম্পর্কে কথা উঠলে একটা ব্যঙ্গাত্মক মুখ করে তাদের সমালোচনা করি, হয়তো কিছু পুলিশ সে ওপর তলার বা নিচু তলার কর্মী অসাধু হতে পারে, তাই বলে পুরো পুলিশ ডিপার্টমেন্ট কে আমাদের ছোট নজরে দেখাটা কতটা ভুল তা এই ঘটনায় আবার প্রমাণ করলো। সব জায়গায় ভালো খারাপ মিশে থাকে, তবে কেন শুধু অন্ধকার দিকটা নিয়েই সাংবাদিকেরা মিডিয়ায় হাইলাইট করবে? সমালোচনা নিশ্চই প্রয়োজন, কিন্তু পাশাপাশি এই ডিপার্টমেন্টের কাজের জন্য তাদের যে ত্যাগ স্বীকার করতে হয় সেটা যেন ভুলে না যাই। স্যালুট ওই পুলিশ অফিসারদের সাথে পুলিশ ডিপার্টমেন্টের সৎ ও কাজের প্রতি নিষ্ঠাবান কর্মীদের। যেতে যেতে বলি কাল শনিবার, আমাদের অনলাইন দৈনিক সংবাদ পত্রে বিশেষ মহিলাদের পেজ শনিবারের সাতকাহন অবশ্যই পড়বেন। লেখা পড়ুন ও নিজের লেখা পাঠান।

সৌমিক সান্যাল

সম্পাদক-বলো কলকাতা

একাধিক সোশ্যাল মিডিয়া প্ল্যাটফর্মের মধ্যে হোয়াটসঅ্যাপ সবচেয়ে জনপ্রিয়। মেসেজ থেকে শুরু করে ফটো বা ভিডিও পাঠানোর জন্য হোয়াটসঅ্যাপ তার ব্যবহারকারীদের কাছে সবচেয়ে বেশি বিশ্বস্ত। কিন্তু এই প্ল্যাটফর্মটিতে একবারে ৩০টির বেশি ফাইল পাঠানো যায় না-এখন। এতে নানা ধরনের সমস্যার সৃষ্টি হয়। এখন থেকে এই সমস্যা আর থাকবে না। ব্যবহারকারীদের সুবিধার্থে নতুন ফিচার নিয়ে আসছে হোয়াটসঅ্যাপ।



## মাকে খুন করে দেহ টুকরো টুকরো করে কেটে ফেলার দায়ে অভিযুক্ত মেয়ে

**বলো কলকাতা, নিউজ ডেস্ক:-** দক্ষিণ দিল্লির শ্রদ্ধা কাণ্ডের ছায়া এবার মুম্বইয়ের লালবাগ। আলমারিতে প্লাস্টিকে মোড়া মায়ের টুকরো টুকরো দেহ উদ্ধার করল পুলিশ। মাকে খুন করে দেহ টুকরো টুকরো করে কেটে ফেলার দায়ে অভিযুক্ত মেয়ে। মুম্বই পুলিশ ইতিমধ্যেই মেয়েকে আটক করেছে। ঘটনায় চাঞ্চল্য ছড়িয়েছে ওই এলাকায়। পুলিশ জানিয়েছে, মুম্বইয়ের লালবাগ এলাকায় বাসিন্দা বীণা জৈন বহু দিন ধরেই নিখোঁজ ছিলেন। মৃত্যুর ভাই ও তাঁর মেয়ে কালচৌকি থানায় অভিযোগ দায়ের করেন। অভিযোগের ভিত্তিতে মৃত্যুর বাড়িতে তল্লাশি চালায় পুলিশ। তারপর মৃতদেহ উদ্ধার হয়।

পুলিশ সূত্রে জানা গিয়েছে, মৃত মহিলার মেয়ে রিম্পল জৈনকে (২২) পুলিশ যখন দরজা খুলে দিতে বলেন তখন সে কিছুতেই রাজি হয়নি। পুলিশ একপ্রকার জোর করে তাকে দরজা খুলিয়ে ভিতরে ঢোকে। দরজা খুলতেই পচা গন্ধ পায় পুলিশ। তখন সারাবাড়ি তল্লাশি চালিয়ে আলমারির ভিতর থেকে একটি দুমড়ে মুচড়ে রাখা প্লাস্টিক ব্যাগ থেকে মৃতদেহ উদ্ধার করা হয়। সঙ্গে সঙ্গে সেটি হাসপাতালে পাঠানো হয় এবং সেখানেই জানা যায় দেহটিকে কেটে টুকরো টুকরো করা হয়েছে।

এর পাশাপাশি বেশ কয়েকটি টুকরো ওই প্লাস্টিকের মধ্যে নেই। এরপর ওই ফ্ল্যাটের একটি ট্যাক্সের ভিতর থেকে স্টিলের বাক্সের মধ্যে থেকে বীণা জৈনের দেহের মাংস ও হাড়ও উদ্ধার করা হয়। তখনই রিম্পলকে আটক করে থানায় নিয়ে আসা হয়। পুলিশ কর্তারা তাকে জিজ্ঞাসাবাদ শুরু করলে বারবার তার বয়ানে অসঙ্গতি লক্ষ্য করে। সে বারবার নিজের বক্তব্য বদল করতে থাকে। রিম্পলকে আটক করা হলেও কীভাবে বীণাদেবীর মৃত্যু হয়েছে, সেই বিষয়ে এখনও নিশ্চিত নয় পুলিশ। তদন্তে জানা গিয়েছে, গত ডিসেম্বর মাসে সিঁড়ি থেকে নীচে পড়ে গিয়েছিলেন বীণা জৈন। সেই ঘটনার সঙ্গে তাঁর মৃত্যুর কোনও যোগ আছে কি না, তাও খতিয়ে দেখা হচ্ছে। ডিসিপি প্রবীণ মুন্সে এ বিষয়ে জানিয়েছেন, লালবাগ এলাকায় একটি প্লাস্টিকের ব্যাগে বছর তিপান্ন'র এক মহিলার পচাগলা দেহ পাওয়া গিয়েছে। নিহত মহিলার ২২ বছর বয়সি মেয়েকে জিজ্ঞাসাবাদ চালিয়ে যাচ্ছে পুলিশ। দেহটি ময়নাতদন্তের জন্য পাঠানো হয়েছে। প্রসঙ্গত, গত বছরের মে মাসে দক্ষিণ দিল্লির ছতরপুর এলাকায় লিভ ইন সঙ্গী শ্রদ্ধাকে স্বাস্থ্যরোধ করে খুনের অভিযোগ উঠেছে আফতাবের বিরুদ্ধে। পুলিশের দাবি, খুনের পর শ্রদ্ধার দেহ ৩৫ টুকরো করে কেটে ফ্রিজে রেখেছিল আফতাব।




বৃহস্পতিবার কবীর সুমনের জন্মদিন। বাংলা আধুনিক গানের যাঁর পরিচয় দিতে শুধু নামটুকুই যথেষ্ট। কলকাতায় তাঁর বেড়ে ওঠা নয়। ছোটবেলা কেটেছে অন্য শহরে। অন্য রাজ্যে। কিন্তু তাঁর গানে তিলোত্তমা উঠে আসে এক অন্য স্বাদে। তিনি ঘুরেছেন দেশ বিদেশের নানা প্রান্তে। নানা সুর, গানের কলি কখনও গুনগুনিয়া উঠেছে তাঁর কানে, কখনও সরাসরি ছুঁয়ে গিয়েছে তাঁর লেখায়। বব ডিলানকে যেমন তিনি বাঙালির কাছে অন্যভাবে হাজির করেছেন, তেমনই তুলে ধরেছেন পিট সিগারকেও। কিন্তু এতকিছুর মধ্যেও তাঁর গান বারবার খুঁজে নিয়েছে কলকাতাকে। শহরের বুকে গানকে তিনি নিজস্ব ঠিকানা দিয়েছেন। কখনও তাঁর গান ব্যস্ত গড়িয়াহাটা মোড়ের কথা বলেছে, কখনও আবার তিনি শ্রোতাকে টেনে নিয়ে গিয়েছেন কলেজস্ট্রিটে। আজও বহু মানুষের কাছে তিনি এমন এক নাগরিক কবিয়াল যিনি শুধু গানের ধর্ম পালন করে চলেছেন।



তুরস্কের পর এবার নিউজিল্যান্ড। ফের ভয়াবহ ভূকম্পনের সাক্ষী বিশ্ব। স্থানীয় সময় বৃহস্পতিবার সকালে নিউজিল্যান্ডের কার্মাডেক দ্বীপপুঞ্জ এলাকায় ভূমিকম্প হয়েছে বলে খবর। ইউনাইটেড স্টেটস জিওলজিক্যাল সার্ভে (ইউএসজিএস) জানিয়েছে, রিখটারস্কেল অনুযায়ী নিউজিল্যান্ডের কার্মাডেক দ্বীপপুঞ্জ এদিনের কম্পনের মাত্রা ছিল ৭.১



সেরিব্রাল ম্যালেরিয়া ও গুরুতর ম্যালেরিয়ায় মৃত্যু প্রতিরোধ করতে পারবে এমন একটি ওষুধ আবিষ্কার করলেন ভুবনেশ্বরের ইনস্টিটিউট অফ লাইফ সায়েন্সের বিজ্ঞানী ড. অরুণ নাগরাজ ও তাঁর দল। তবে মানুষের উপর ক্লিনিক্যাল টায়াল এখনও বাকি আছে।



দেশে খানিকটা হলেও বাড়ছে করোনা সংক্রমণ। তেমনটাই বলছে স্বাস্থ্য মন্ত্রকের রিপোর্ট। বৃহস্পতিবার সকাল ৮টায় প্রকাশিত রিপোর্ট অনুযায়ী গত ২৪ ঘণ্টায় কোভিডে আক্রান্ত হয়েছেন ৭৫৪ জন। ৪ মাস বাদে ৭০০ ছাড়াল দৈনিক করোনা সংক্রমণ। সক্রিয় রোগীর সংখ্যা ৪ হাজার ৬২৩ জন। এর আগে ২০২২ সালের ১২ নভেম্বর ৭৩৪ জন করোনায় আক্রান্ত হয়েছিলেন বলে জানা গিয়েছে। তারপর থেকে করোনা সংক্রমণ কমতে শুরু করেছিল।



রুশ-ইউক্রেনীয় যুদ্ধের মাঝেই পুতিনকে বলেছিলেন, এটা যুদ্ধের সময় নয়। নরেন্দ্র মোদির এহেন বার্তাতেই তাঁর ভূয়সী প্রশংসা করেন নোবেল কমিটির ডেপুটি অ্যাশলে টোজো। যা উসকে দিল প্রধানমন্ত্রীর নোবেল শান্তি পুরস্কার পাওয়ার জল্পনা।





## মালদহে নকলে বাঁধা দেওয়ায় শিক্ষককে পেটালো উচ্চ মাধ্যমিক পরীক্ষার্থী:

নারায়ণ সরকার, মালদা:- উচ্চ মাধ্যমিকের দ্বিতীয় দিনের ইংরেজি পরীক্ষার নকলে বাধা দেওয়ায় স্কুলের প্রধান শিক্ষককে বেধড়ক পেটানোর অভিযোগ উঠলো একাংশ পরীক্ষার্থীদের বিরুদ্ধে বৃহস্পতিবার ১৬ই মার্চ। এমনকি উত্তেজনা তৈরি করতে বেশ কিছু পরীক্ষার্থীরা ক্লাসরুমের চেয়ার, টেবিল ভাঙচুর করে বলে অভিযোগ। বৃহস্পতিবার দুপুরে মালদহের মোথাবাড়ি থানার রথবাড়ি হাইস্কুলের এই ঘটনাকে ঘিরে তুমুল উত্তেজনা ছড়িয়ে পড়ে। কয়েকজন পরীক্ষার্থী সংশ্লিষ্ট স্কুলের প্রধান শিক্ষককে কিল, চর, ঘুষি মারে বলে অভিযোগ। তাতে প্রধান শিক্ষকের চোঁট কেটে যায়। সেই সময় আরও এক শিক্ষক আক্রান্ত হন। উত্তেজনা থামাতে প্রথমে রথবাড়ি হাইস্কুলের অন্যান্য শিক্ষক শিক্ষিকারা ছুটে আসলে, পরিস্থিতি আরো জটিল আকার ধারণ করে। মুহূর্তের মধ্যে পরীক্ষা কেন্দ্রের ক্লাসরুম লন্ডলন্ড করে দেয় একাংশ পরীক্ষার্থীরা বলে অভিযোগ। যদিও সেই সময় স্কুলে দায়িত্বে থাকা সিভিক ভলেন্টিয়ার এবং পুলিশ কর্মীরা পরিস্থিতি সামাল দেওয়ার চেষ্টা করে। পরে ঘটনার খবর পেয়ে ওই স্কুলে পৌঁছায় মোথাবাড়ি থানার বিশাল পুলিশ বাহিনী। দীর্ঘক্ষণ আলোচনার পর পুলিশ ও স্কুল কর্তৃপক্ষের হস্তক্ষেপে পরিস্থিতি নিয়ন্ত্রণে আসে।

হাইস্কুলের প্রধান শিক্ষক সমন্বয় সরকার জানিয়েছেন, বাঙ্গিটোলা হাইস্কুলের উচ্চ মাধ্যমিকের পরীক্ষার্থীদের সিট পড়েছে। স্কুলে এদিন কয়েকজন পরীক্ষার্থীর নকল এবং একজন মোবাইল নিয়ে পরীক্ষা কেন্দ্রে প্রবেশ করেছিল। পরীক্ষার এক ঘণ্টার মধ্যে বিষয়টি জানতে পেরে আমি তাদেরকে ধরে ফেলি। সেই নকল এবং মোবাইল নেওয়ার চেষ্টা করি। কিন্তু যার কাছে নকলের কাগজ ছিল, সেই হঠাৎ করে উত্তেজনা তৈরি করে এবং আমার উপর আক্রমণ চালায়। ওই পরীক্ষার্থীর দেখা দেখি ক্লাসরুমের আরো অন্যান্য পরীক্ষার্থীরাও উত্তেজিত হয়ে ওঠে। তারপরে তুমুল গোলমাল চলতে শুরু করে। সংশ্লিষ্ট স্কুলের প্রধান শিক্ষকের বক্তব্য, এরকম চলতে থাকলে আমরা নিরাপত্তাহীনতায় বোধ করছি। কঠোর পুলিশি নিরাপত্তা ছাড়া এরকমভাবে পরীক্ষা নেওয়াও আমাদের পক্ষে সম্ভব হচ্ছে না। যদিও ঘটনার খবর পেয়ে পুলিশ প্রশাসনের কর্তারা স্কুলে এসেছিলেন তাদের হস্তক্ষেপে পরিস্থিতি স্বাভাবিক হয়েছে।


দিল্লি সরকারের ফিডব্যাক ইউনিট (এফবিইউ) রাজনৈতিক ক্ষেত্রে আড়ি পাততো বলে অভিযোগ। সেই ঘটনায় জড়িত সন্দেহে দিল্লির প্রাক্তন উপ-মুখ্যমন্ত্রী মণীশ সিসোদিয়া এবং অন্যান্যদের বিরুদ্ধে এফআইআর দায়ের করল সিবিআই। বৃহস্পতিবার আধিকারিকরা এ কথা জানিয়েছেন।



## অবাক করে দিল আমাদের মহানগরী কলকাতা। মাটি খুঁড়তেই আবার ও একবার ইতিহাসের সম্মুখীন হলো আমাদের প্রিয় ঐতিহাসিক কলকাতা, উদ্ধার হলো কামান

কাকলী নস্কর, বলো কলকাতা নিউজ ডেস্ক :- মহানগরী কলকাতা মাঝে মাঝে আমাদের মনে করিয়ে দেয় যে 'কলকাতা' ঐতিহাসিক স্থান। মাটির নীচ থেকে উদ্ধার প্রত্নতত্ত্ব সামগ্রি আমাদের সেই কথাই মনে করিয়ে দেয়। কলকাতার দমদম থেকে পাওয়া গেল প্রাচীন ইতিহাসের সন্ধান। দমদম সেন্ট্রাল জেলের মোড় আর সেখানেই মাটি খুঁড়ে পাওয়া গেল একটি বিশাল আকৃতির কামান। বহু চেষ্টার পর মাত্র পাঁচ ফুট বের করানো সম্ভব হয়েছে। রাজ্য সরকারের অ্যাডমিনিস্ট্রেটর জেনারেল এন্ড অফিসিয়াল ট্রাস্টি বিপ্লব রায়ের মতে এই কামানের আরও পাঁচ ফুট মাটির তলায় রয়েছে। আর এই কামান টি হবে কলকাতার সবচেয়ে বড় কামান। যা আমাদের ইতিহাসের পাতা উজ্জ্বল করবে। স্থানীয় সূত্রের খবর, দমদম সেন্ট্রাল জেলের মোড়ে বহুদিন ধরে মাটি থেকে একফুট উচ্চতায় কামানের মুখ দেখা যেতো। বুধবার ১৫ই মার্চ বেলা ১১ টা থেকে শুরু হয় মাটি খোঁড়ার কাজ। রাজ্য সরকারের অ্যাডমিনিস্ট্রেটর জেনারেল অ্যান্ড অফিসিয়াল ট্রাস্টি বিপ্লব রায় এই কামান উদ্ধারের উদ্যোগ নেন। এবং কামান বিশেষজ্ঞ অমিতাভ কারকুন ও ঘটনাস্থলে পৌঁছোন। মাটি খোঁড়ার কাজ শুরু হতেই দমদম থানার পুলিশ জায়গাটি ঘিরে রাখেন।

প্রায় দেড়ফুট মাটি খুঁড়তেই অসংখ্য কেবল - তার জড়ানো কামান টি দেখা যায়। কেবল-তার সরিয়ে আরও আড়াই ফুট খোঁড়া হয়, মোট চারফুট মাটিখোঁড়ার পর সন্ধ্যা নেমে আসে। তারপর আর মাটি খোঁড়া যায় নি। কামানটির পাঁচ ফুট অংশ আমরা দেখতে পাই। বাকী অংশ আরও গভীরে। কৌতুহলী মানুষের আনাগোনায়ে এলাকায় ঐতিহাসিক গল্প ছড়িয়ে পড়ে। রাজ্যে শুরু হয় জোর চর্চা, বিপ্লব বাবুর মতামতের অপেক্ষায় কৌতুহলী মানুষের মন। তিনি জানান প্রথমত কামান টি নবাব সিরাজদৌল্লার আমলে। ঢলাই লোহা দিয়ে তৈরি। কামান বিশেষজ্ঞ অমিতাভ কারকুন কামান এর দৈর্ঘ্য নিয়ে চিন্তিত। পাঁচ ফুট দেখা যাচ্ছে কিন্তু তার ব্যাস কমে নি। কামান টি উদ্ধারের পর মিউজিয়ামে রাখার পরিকল্পনা চলছে। সাধারণ মানুষের দেখানোর জন্য। সিরাজদৌল্লার সময়ে ১০ ফুটের কামান কলকাতায় এখনও পর্যন্ত পাওয়া যায় নি।



## মালদহে পঞ্চায়েত নির্বাচনের প্রাক্কালে ব্লক মহিলা তৃণমূল কংগ্রেসের সভাপতির পদত্যাগ!

নারায়ণ সরকার মালদা:- মালদা জেলা মহিলা তৃণমূল কংগ্রেসের সভা নেত্রীর বিরুদ্ধে তোলাবাজির অভিযোগ তুলে ব্লক মহিলা তৃণমূল কংগ্রেসের সভাপতির পদত্যাগ। জেলা মহিলা তৃণমূল কংগ্রেসের দুই নেত্রীর কাজিয়ায় পঞ্চায়েত নির্বাচনের প্রাক্কালে অস্থিতিতে শাসক দল তৃণমূল কংগ্রেস। ব্লক সভানেত্রী রাজ্য মহিলা তৃণমূলের সভাপতি চন্দ্রিমা ভট্টাচার্যের কাছে লিখিতভাবে তার পদত্যাগ পত্র পাঠিয়েছেন। মালদা জেলার পুরাতন মালদা ব্লকের মহিলা তৃণমূলের সভাপতি রোজিনা খাতুন অভিযোগ করেন জেলা মহিলা তৃণমূল কংগ্রেসের সভানেত্রী মৃণালিনী মন্ডল মাইতি। পঞ্চায়েত নির্বাচনে প্রার্থী করার নাম করে বিভিন্ন মানুষের কাছে তাকে টাকা তুলতে বলছে। বারবার এই অভিযোগ তিনি জেলা নেতৃত্বকে জানিয়েছিলেন। কিন্তু তাতে কোন পদক্ষেপ নেওয়া হয়নি তার পক্ষে এভাবে বিভিন্ন গ্রাম পঞ্চায়েতে গিয়ে আগামী পঞ্চায়েত নির্বাচনের আগে টাকা তোলা সম্ভব নয়। আমার পক্ষে এই রাজনীতি করা মুশকিল সেই কারণেই রাজ্য মহিলা তৃণমূলের সভানেত্রী চন্দ্রিমা ভট্টাচার্যের কাছে হোয়াটসঅ্যাপে তার পদত্যাগ পত্র তিনি পাঠিয়ে দিয়েছেন বৃহস্পতিবার ১৬ই মার্চ।

এই বিষয়ে পাল্টা মৃণালিনী মন্ডল মাইতি বলেন, এই ব্লক সভাপতি অনেক দিন ধরেই ইনএকটিভ হয়ে রয়েছে দল থেকে তার নামে আগেই আমরা লিখিত অভিযোগ করেছিলাম রাজ্য নেতৃত্ব কে এখন সেসব ঢাকা দেওয়ার জন্য এসব করছে। পাশাপাশি এ বিষয়ে রাজ্য তৃণমূল কংগ্রেসের সাধারণ সম্পাদক কৃষ্ণেন্দু নারায়ণ চৌধুরী বলেন, রাজ্য নেতৃত্বকে চিঠি পাঠিয়েছেন এবং গোটা বিষয়ে তদন্ত করে খতিয়ে দেখা হবে যদি কেউ দলের মধ্যে অন্যায় করে থাকে তার বিরুদ্ধে ব্যবস্থা নেওয়া হবে। অন্যদিকে এ বিষয়ে বিজেপির দঃ মালদা সাংগঠনিক জেলা সম্পাদক বিশ্বজিৎ রায় বলেন, পদত্যাগের বিষয়টি শুনেছি এবং আগামীতে যেহেতু পঞ্চায়েত নির্বাচন এখন তৃণমূলের বিভিন্ন পদে থাকা কর্মের সমর্থকরা নিজেরাই স্থপা দিচ্ছেন কারণ তারা বুঝতে পেরেছেন বর্তমানে রাজ্যের শাসক দলের যে পরিস্থিতি তারা তোলাবাজ ধান্দাবাজ আমরা এর বিরুদ্ধে তীব্র ধিক্কার জানাচ্ছি।

## মালদহে বেসরকারি স্কুল ছাত্রীর চুল কেটে নেওয়ার অভিযোগ সহপাঠীর বিরুদ্ধে: ধামাচাপার চেপ্টা স্কুল কর্তৃপক্ষের

নারায়ণ সরকার, মালদা:- অকথ্য নির্যাতন করার পাশাপাশি দুই ছাত্রীর চুল কেটে দেওয়া হল। এর মধ্যে একজনের অনেক বেশি। সেই ছাত্রী অসুস্থ, চিকিৎসাধীন, ট্রমার মধ্যে রয়েছে। এই নিয়ে মালদহের ইংরেজ বাজার থানায় অভিযোগ দায়ের নির্যাতিতা ছাত্রীর পরিবারের। মালদার ইংরেজ বাজারের লক্ষীপুরে একটি বেসরকারি উচ্চ মাধ্যমিক আবাসিক স্কুলের ঘটনা। এই ঘটনা সামনে আসতেই স্কুল কর্তৃপক্ষ বিষয়টি ধামাচাপা দেওয়ার চেষ্টা করে বলে অভিযোগ। এমনকি সেই ছাত্রীকে চকোলেট দিয়ে ভুলিয়ে পার্লারে নিয়ে গিয়ে চুল নতুন করে কেটে স্বাভাবিক করার চেষ্টাও করে স্কুল কর্তৃপক্ষ। সেই ছাত্রীকে বাড়িতে জানাতেও বারণ করা হয় স্কুল কর্তৃপক্ষের। কিন্তু সেই ছাত্রী অসুস্থ হয়ে পড়ায় ট্রমার মধ্যে চলে যাওয়ায় এমনকি মাঝে মাঝে অচৈতন্য হয়ে পড়ায় স্কুল কর্তৃপক্ষ বাধ্য হয়ে অভিভাবকদের জানালে ছাত্রীর মা বাবা দুজনেই ছুটে যান।

পাশাপাশি তারা জানতে পারেন গত কয়েকদিন ধরেই তাঁদের ১০ বছরের কন্যার সঙ্গে দুর্ব্যবহার ও নির্যাতন চালাচ্ছে স্কুলেরই এক ছাত্রী ও তাঁর কয়েকজন সঙ্গী। এর প্রতিবাদ করলে বাড়িতে জানানোর কথা বললে রাতে সেই ছাত্রীর লম্বা চুল কাঁচি দিয়ে এলোমেলো করে কেটে একদম ছোটো করে দেওয়া হয় বলে অভিযোগ। নিজের মেয়ের ওই অবস্থা দেখে ভেঙে পড়েন তাঁর মা বাবা। এরপরেই তাঁরা স্কুল কর্তৃপক্ষের বিরুদ্ধে ইংরেজ বাজার থানায় অভিযোগ দায়ের করেন অভিযোগের পরিপ্রেক্ষিতে তদন্তে নেমেছেন পুলিশ।

## পরীক্ষার্থীদের জীবনে আলো ফেরালেন অভিষেক বন্দ্যোপাধ্যায়

বলো কলকাতা, নিউজ ডেস্ক:- উচ্চমাধ্যমিক পরীক্ষার্থীদের জীবনে আলো ফেরালেন অভিষেক বন্দ্যোপাধ্যায়। বুধবার অর্থাৎ ১৫ই মার্চ মাঝরাত নাগাদ 'এক ডাকে অভিষেক-এ' ফোন আসে। সেখানে উত্তরবঙ্গের বেশ কয়েকটি জেলা থেকে উচ্চমাধ্যমিক পরীক্ষার্থীরা ফোন করে জানান, আলো নেই। রাজ্যের বিভিন্ন জায়গায় ঝড়-বৃষ্টি শুরু হয়েছে। তাতেই কোনও ভাবে বৈদ্যুতিক সংযোগ বিচ্ছিন্ন হয়ে গিয়েছে বিস্তীর্ণ এলাকায়। তাই প্রশাসনের কাছে পৌঁছতে পড়ুয়ারা অভিষেকের বিশেষ নম্বরটিতে ফোন করে সমস্যার কথা জানান। আর তাতে ফলও মিলেছে। টুইট করে খবরটি জানালেন তৃণমূল কংগ্রেসের সর্বভারতীয় সাধারণ সম্পাদক নিজে।

১৫ই মার্চ গভীর রাতে অভিষেক টুইট করে লেখেন, আলিপুরদুয়ার, জলপাইগুড়ি ও কোচবিহারে আজ ঝড়-বৃষ্টি হয়েছে। তাতে এলাকায় বিদ্যুৎ সংযোগ বিচ্ছিন্ন হয়ে গিয়েছে। এ নিয়ে জরুরি ফোন আসে এক ডাকে অভিষেকে। এদিকে উচ্চমাধ্যমিক পরীক্ষা চলছে। আমি এ নিয়ে বিদ্যুৎ মন্ত্রী অরূপ বিশ্বাসের সঙ্গে কথা বলেছি। এর সমাধানে তাঁর পরবর্তী পদক্ষেপ সম্পর্কে তিনি আরেকটি টুইট করেন। সেখানে তিনি জানান, "বিদ্যুৎ সংযোগ ফেরাতে ২৫০ জনেরও বেশি কর্মী কাজে লেগে পড়েছেন। আগামী ৬ থেকে ৮ ঘণ্টার মধ্যে বিদ্যুৎ সংযোগ ফিরবে। এভাবে মানুষের সঙ্গে যোগাযোগ করতে পেরে আমার খুব ভালো লাগছে।



# শিবতারা মন্দিরের নিত্যপূজার সদস্যপদ নিষ্পে মনস্কামনা পূরণ

মন্দিরের সেবায়েত

## জ্যোতিষী শ্রী অভিশেক



বশীকরণ, শত্রুদমন, ব্যবসা, গ্রহদোষ, ব্যক্তিগত  
সমস্যার ধারন ছাড়াই সাফল্য

দমদম এয়ারপোর্ট, হাজরা ও অনলাইন

# 9836038552, 9831707570

Follow us on YouTube & Facebook : Sree Avishek